

La timoj ligitaj al la Covid-19 ne estu ekspluatataj por ataki kaj ekskludi la minoritatojn



Havano, apr 3 (RHK) La? Gazetara Komuniko de Universala Esperanto-Asocio, oni publikigis en Esperanto en la retejo de UN/AKHR (Alta Komisararo pri Homaj Rajtoj), la [raporton de Fernand de Varennes](#), Speciala Raportisto de Unui?intaj Nacioj pri minoritataj aferoj.

La ekspluato de la timoj ligitaj al la Covid-19 (KOVIM-19) fare de grupoj kaj de politikistoj, por kulpigi la minoritatojn, rezultigas alarmigan kreskon de parolaj kaj fizikaj misagoj kontra? ?inoj kaj aliaj minoritatoj, el kiuj multaj estas ekskluditaj de alireblo al sanprizorgado kaj al informoj pri la pandemio, deklaris eksperto de UN pri rajtoj.

"KOVIM-19 ne estas nur sano-problemo; ?i povas esti viruso pliakriganta ksenofobion, malamon kaj ekskludon", deklaris Fernand de Varennes, Speciala Raportisto de Unui?intaj Nacioj pri minoritataj aferoj.

"Raportoj pri fizikaj atakoj kontra? ?inoj kaj aliaj azianoj, malamaj paroladoj kulpigantaj la minoritatojn, interalie la romanojn kaj hispanparolantojn por la disvastigo de la viruso, kaj pri politikistoj, kiuj volas rifuzi al la migrantoj la aliron al medicinaj servoj, ?iuj montras, ke la ?tatoj ur?e

devas akcenti la neceson de tio, ke la homaj rajtoj de ĉiu devas esti protektataj, speciale de la pli vundeblaj kaj pli marĝenigitaj."

La eksperto de UN esprimis siajn zorgojn rilate al la multnombraj raportoj pri ksenofobio kaj pri la ekskludo de minoritatoj en diversaj mondopartoj, kiel ekzemple alvokoj rifuzi la aliron al medicinaj servoj por migrantoj sen identigiloj, aŭ kiel la malekzisto de informoj pri la pandemio en minoritataj lingvoj, inklude de gestolingvoj.

"Milionoj da homoj, speciale la minoritatoj kaj indiĝenaj popoloj, eble ne havas aliron al tio, kio estas sendube la plej grava mesaĝo de publika sano ekde generacioj", deklaris S-ro de Varennes.

"La plej vundeblaj de la mondo estas ofte la lastaj, kiuj petas helpon. La internacia komunumo kaj la ŝtatoj devas efike kunlabori por informi, helpi kaj protekti ilin. Temas interalie pri komunikado kun ili en iliaj lingvoj, kiam tio eblas, por efike provizi al ili la esencajn informojn kaj la flegadojn esencajn de publika sano, sed ankaŭ apliki protektajn aranĝojn kontraŭ la fizikaj atakoj kaj malamaj paroladoj."

"La koronavirusa epidemio endanĝerigas la sanon de ni ĉiuj, sen rigardo al lingvo, religio aŭ etna deveno. Sed iuj estas pli vundeblaj ol aliaj. Ni ĉiuj povas fari aranĝojn por kontraŭstari ĉi tiun multiĝon de diskriminacia kaj malama parolado kontraŭ minoritatoj aziaj kaj aliaj en la sociaj retoj, aldonante niajn voĉojn en subtenaj mesaĝoj uzante la kradvortojn #MiNeEstasViruso aŭ #JeNeSuisPasUnVirus aŭ #IamNotAVirus."

"Por kontraŭbatali la epidemion oni devas agi kontraŭ ĉiaj plej obskuraj aspektoj. Urĝas kaj necesas, ke la ŝtatoj kaj ni ĉiuj firme ekagu por protekti la homajn rajtojn de la plej vundeblaj kaj marĝenigitaj, inkludante la minoritatojn, la indiĝenajn komunumojn kaj la migrantojn", konkludis S-ro Fernand de Varennes, Speciala Raportisto pri minoritataj aferoj.

<https://www.radiohc.cu/index.php/eo/especiales/exclusivas/218727-la-timoj-ligitaj-al-la-covid-19-ne-estu-ekspluatataj-por-ataki-kaj-ekskludi-la-minoritatojn>



Radio Habana Cuba